

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS,
*manè discutienda, in Scholis Medicorum, die Jovis octavâ mensis
Januarii, anno Domini M. DCC. LXVII.*

M. LUDOVICO-CLAUDIO GUILBERTO,

antiquo Regis Exercituum Medico ordinario,

Doctore Medico, Præside.

An prius lactescat chylus, quàm in omnes Corporis humores abeat.

I.



X conceptus vivificatur fœtus, cùm jam requisitæ, quibus nutria-
tur & crescat, in utero dispositiones reperiuntur: nec enim vel unico
vivere pergeret instanti, nisi per mutuum quod matris corpus inter
& eum statuitur commercium, liquores à viscere dicto stillantes in
ejus tubulantiam jugiter abirent. Simul ac in lucem prodiit infans, cùm tol-
litur hujus correspondentiæ causa, non minora, quàm fœtus, ut vitam con-
servet. auxilia reposcit, quin imò, pabulo mox eget uberiore, quo novas
quibus exponitur sui jacturas repararet insuper, & robur, eamque staturam, quæ
lapsu temporis hominem perficiunt, acquirere valeat. Porro tunc alius & nu-
tritionis & incrementi mechanismus manet expetendus. Recens natus igitur solitâ
per umbilicalem funiculum adveniente orbatu alimoniâ, novam cogitur exercere
functionem, quæ per os assumpta mutat in ejus naturam. Omne verò functionis
hujus, quæ *Digestio* vocatur, munus adimpletur, cùm succi de ingestis extracti,
necon à facibus omnibus separati transferuntur in communem sanguinis massam.
Liquor exindè paratus *chylus* nomine donatur, & à Physiologis ut omnium corporis
humorum fons habetur & scaturigo. Verùm, dùm sic consideratur, sub triplici
apprehendendus est respectu; vel enim in vasa lactea mezenterii non penetra-
vit, vel in ea transmissus est, vel tandem in vascula sanguifera latus, cum sanguine
circulatur & movetur. porro alius est, & naturâ diversus *chylus* intestinorum,
à chylo qui ad mezenterium adiit, isque discrepat ab eo qui cordis & vasorum
actioni submittitur. Jam verò qualicumque modo concipiatur, ad eam, in hisce
viis, vergere debet indolem, quâ ad singulos corporis humores suppeditandos
aptus evadat; sed ejus in lacteum succum conversio, præ cæteris mutationibus
ad dictum mechanismum accommodatior, cum animalis economiæ phænomenis
& observatione consentit; ideoque prout erit, concluderè, *chylum* semper
lactescere.

P R I M A M quam in ore subeunt actionem ingesta, masticatio; secundam deglutitio absolvit. Illâ conteruntur & dividuntur, hac succis salivalibus irrigantur & penetrantur. In œsophagum dein propulsa prioribus similem recipiunt liquorem, moxquæ decidunt in ventriculū. Eo loci, morâ, vapore, calore, continuo peptico:um humorum delapsu, gastricorum presentia, alternâ diaphragmatis & abdominis musculorum contractione, tandem tot corporum diversorum mixtione, novus excitatur motus, incarceratus extrahitur aër, mixtorum vincula rumpuntur, omniumque succedit decompositio, & in mollem cinereamque massam (*chymum*) conversio. Exindè gradatim manans, utriusque bilis effectus in duodeno postea subit *chymus*, & pancreatico immiscetur succo. Tunc, dum per intestina pergit, mucum & rorem inde secretum recipiens, in meatu hinc & indè vicibus alternis apertos *chylum* motu peristaltico jugiter agitat immittit. Indè per vasa lactea primi generis ad glandulas Mezaraicas fertur *chylus*, ex hisque per lactea secundi generis ad thoracicum ductum, brevi dein ad sanguinis vias aditurus.

His præmissis, ut ad scopum deveniamus, sequentia nunc in medium sunt proferenda. Et quidem 1.^o ea debet *chylo* nondum in lactea ingresso tribui natura, quam per variorum digestionis tum propriorum, tum accessoriorum organorum motum, per inquilinorum liquorum & aëris vim, per ingestorum indolem & mutationem valet concipere. Verum, ex antea dictis, contriti divisique cibi succis pepticis aqueo salis & spumantibus irrigantur, oris, œsophagi, gastris mucos immiscentur, aëris adventitii contactum, vaporis undique exhalantis impressionem experiuntur, tandem per effectus recensitos omnium sit in gasteri decompositio, & indè nascitur *chymus*, qui postquam oleoso saponaceos & aqueos in duodeno, mucosos & aqueos in totâ fistulæ intestinalis cavâ recondidit humores, *chylum* deponere cogitur. Præterea, non alia, nisi oleosa, mucosa, mucaginosa, aquosa possunt ex assumptis principia fluida trahi. *Chylus* igitur oleis, mucos, mucagine, aquâ, sapone & salibus erit compositus. Sed quatenus animali, vegetabilique succo confectus, utriusque referet indolem. Quatenus saponem continens & mucagines olea in aqueis suspensa tenentes, turbidus erit, & emulsionis instar. Proinde varii generis salia simul mista comprehendens, nec acidus, nec alkalicus erit. Gratiè verò sapientis, ut ex lactis sapore dignoscitur. Fluidus erit, alias mezenterii cola permeare non posset. 2.^o. *chylus* in vasis lacteis circulans certum videtur inire cum lymphâ connubium, ex utriusque liquoris eo loci colore & consistentiâ percipiendum, unde fit ut magis inquilinus evadat, ad finesque prædictos aptior. 3.^o. Dum cordis & vasorum sanguifero:um actioni submittitur, attritu subactus, calore, miscellâque mutatus, novam comparat texturam & compositionem quibus ad omnes humores producendos jam fiet idoneus.

III.

E thoracico ductu cum lymphâ in venam subclaviam ut plurimum sinistram infunditur *chylus*. Dein successivè fertur in cavam descendentem, cor dextrum, arteriam pulmonalem, venas huic continuas, cor sinistrum & aortam, undè ad omnes corporis partes distribuitur. Jam verò liquoris hujus in sanguinis oceanum introitu, liquorum copia augetur, & potentiori stimulo cor & vasa commoventur; Sequitur continentium dilatatio major, cui mox succedit reactio fortior; proindeque contentorum attritus validior est, dum vehementior iterum nascitur calor. Si tunc ad cordis & vasorum vires attendas, si chyloferorum per angustissimos canales, & imprimis pulmonales fluxum consideres, nova brevi phænomena pro-

5

dire concipies. Omnes enim iniquissimi liquores in torrentem cum succo de assumptis extracto transmissi, ultra modum ad justam mixtionem excedentes, aut noxii facti, per repetitos vasorum ictus & circulando, vel sua denuo repertent cola, vel cum sero superfluo, partibusque vitali motu destructis, è corpore per meatus excretorios eliminabuntur. Tunc, dum suam unumquodque *chyl*i principium elaborationem subeundam habet, jam puriora sunt ejus olea, partim in celulosam fabricam derivatura; perfectior evadit mucus, in folliculos suos perducendus, & residuum serum humores edulcorans & diluens, in discernendorum compositionem adhuc ingressurum est. Præterea successu temporis, *chyl*i superfluitates succi, necdum ad munia dicta adhibiti, novum motu perenni subacti, inter se connubium ineunt, & sic prorsus evanescente chylousa materie, jam prodeunt omnes corporis humores. Verum prius & ferè statim inter eos exurgit unus, *colostrum* nempe, seu, *caseus*, & hujus citam confectionem demonstrat uberrimus à pastu lactis per Nutricum ubera fluxus, porrò cum *caseus* sit pars lactis integrans, & in *chyl*o non præexistens; cum mammarum, propter vitalis motus debilitatem, huic humori (*caseo*) parando sint impares, sequitur eum in hematoseis organis fuisse confectum. jam verò cum eadem sit in utroque sexu materia *caseum* suppeditans, & humoris hujus confectio non pendeat à mammis, primum erit asserere semper lactescere *chylum*, si binæ aliæ lactis partes in vasis sint reperiundæ; sed, ex supradictis, oleum & serum à *chyl*o suppeditata, cum sanguine circulari constat; igitur lac erit à *chyl*o perfectiori oriundum. Modum quo *caseus* efformetur, & unde prodeat scire desideras? Naturam ejus evolve? *chyl*osa principia respice? *Caseus* (a) est pars lactis mucilaginosa, quæ discrepat à cæteris mucaginibus, quod earum ductilitatis & viscoris expers, ignis acidorumque vi concresecat. Nunc, cum vasorum & cordis motu premuntur & atteruntur *chyl*i mucagines*, eum novam inire coguntur cum salibus & succis iniquilinis mixtionem, jam deducere poteris à muta mucaginum indole *caseum* oriri. Et quidem earum principia (b) sunt oleum dulce, non volatile, acidum, paucaque terra tenuis. Verum ex unâ parte, per calorem & attritum magna earum aquæ copia extricabitur, ideòque densiorem mutabuntur compositionem; ex aliâ autem parte, cum fluidis animalibus mixta, diversas à prioribus obtinebunt proprietates. proindeque *caseus* exurget.

IV.

MOX patebit hujus phænomeni necessitas, si non possint nisi ex lactescente *chyl*o varii corporis humores oriri; si præterea præsentiam ejus in vasis sanguiferis observatione confirmemus, nullum poterit adesse dubium. Verum 1.º oleosus quidem humores (c) ab oleis *chyl*i faciliè elicies, mucosos ab ejus mucò & mucagine nondum mutatis, serosos à sero, &c. è contrâ si lymphaticos educere volueris, perarduum opus, imò & impossibile, nisi *caseum* jam præsupponas, proindeque lactescentem *chylum*. Ea enim est lymphæ natura, ut alkoole, acidis, alkalicis, tum fixis, tum volatilibus, igne, inotque concussorio, concresecat in solidam massam, quæ corneam duritiem valet acquirere; porrò multum in his jam cum *caseo* consentit. Igne ebullientis aquæ calorem superante distillata suppeditat alkali volatile, carbonemque relinquit in acidis solubilem, nec ulla indolis alkalicæ signa præbentem; in *caseo* similia observantur. Tandem omnes corporis partes à lymphâ crescere, nutriri, renovari constat apud physiologos, & succus nutritivus in mucagine duntaxat & mucosis corporibus, unde *caseum* oriri diximus, reperiri potest; sine *colostr*o igitur non possunt confici humores lymphatici, proindeque lactescens *chyl*us huic

(a) Dict. de chymie.

* Mucaginum vocabulo hic animalium gelatinam comprehendimus & mucosum corpus.

(b) Ibidem.

(c) Divisio halleriana Physiol. I. VII, c. II. de secretione.

(d) *Isaer.*
de co. d. p. 138.

(e) *Act. regie*
3c. Ac. d. 1725.
Hist. p. 13. 14.

(f) *Van.*
Swaen. com.
ment. aph. 75.
t. 3.

(g) *Relation*
des voyages &c.

(h) *Vid. Thom.*
Barth. anat. re-
nov. lami tris
comm. in inst.
botan. t. VI.

operi necessarius est. 2.^o Si quarrâ vel quintâ post partum horâ, sanguis è quâlibet arteriâ aut venâ detrahatur (d), magna chyli lactescentis copia innatat, & in animalibus æquè ac in hominibus. In pluribus corporis locis caseosos, & lacteos reperiri tumores haud rarum est: in cadavere (e) nobilis juvenis tumor inventus est in abdomine 7 & semi librarum materiâ albâ plenus, quæ partim lactis instar fluida, partim caseosa apparebat. Tandem ex ipsis vulneribus lac verum exire sæpissimè observatur (f).

V.

NULLA veritas evidentioribus licet innixa rationum momentis controversiam effugere potest. Propositum systema nequidem novitatis prærium habens, haud ritè tamen à quibusdam Physiologis elucidatum, tam validis quàm potuimus argumentis probare aggressi, multis adhuc objectionibus obnoxium judicavimus, ideòque gravioribus hic responsum dare haud absolum credidimus. 1.^o Quidem objici potest in viris verum lac non posse confici, & solas mammas huic functioni dicatas esse. Experienciâ tamen constat in America (g) regionibus haud rarum esse talem per mammas viriles fluere lactis, copiam, quæ ad puerum alendum sufficeret; nec defunt apud nos observationes quibus hæc relata confirmantur (h). Præterea certum est, ex antea dictis casum non posse in uberibus confici, ob defectum caloris & attritus qui ad hunc mechanismum requiruntur; undè sequitur solas mammas lactis productioni non esse dicatas. 2.^o Sic ut bilis in hepate conficitur, ità lac in mammis gigni debere, cùm sint & jecur & glandulæ mammariæ ejusdem, id est, conglomerati generis organa. Jam probavimus requiri talem, ut *casus* efformetur, motum qui deest in mammis; multò minorem verò expetit actionem bilis confectio, proindeque non valet paritas. 3.^o Quæri potest quo modo, *casus* eas quibus fruitur dotes in corpore acquirat? Favemur, nos ultra ejus existentiam, consistentiam & proprietates, nihil amplius nosse, *felix qui possit rerum cognoscere causas*. Non minus igitur inconcussa manet nostra pspolitio:

Ergò prius lactescit Chylus, quam in omnes corporis humores abeat.

DOMINI DOCTORES DISPUTATURI.

M. Maximilianus Josephus
LYXS.

M. Guido DANIE DESPA-
TUREAUX, Chirurgia
Gallico idiomate Profes-
sor designatus.

M. Ludovicus - Claudius
BOURDELIN, antiquus
Facultatis Decanus, Re-
gia Scientiarum Acade-
mia, Regia ve Societatis
Berolinesis socius, in horto
Regio Chirurgia Professor
& Galliarum Principum
Medicus primarius.

M. Joannes DESCHEMET,
Censor Regius.

M. Cleridus VACAÏER,
Scholarum Professor de-
signatus.

M. Michael - Ludovicus
VERNAGE, Eques &
Censor Regius.

M. Joannes-Baptista Fran-
ciscus DELA RIVIERE,
Consiliarius Medicus Re-
gis ordinarius in ejus Ca-
stellæ, & Rei barbarie
Professor designatus.

M. Petrus-Josephus MO-
RISOT DESLANDES.

M. Petrus Antonius LEPT,
Antiquior scholæ Magis-
ter.

Proponebat Parisiis, JOANNES COLOMBIER, Tullenfis, Medicus Duacenus
in Facultate remensi cooptatus, & Salub. Facult. Paris. Baccalaureus,
Theses Auctor. A. R. S. H. 1767. A SEXTA AD MERIDIEM.

Typis QUILLAU, Univers. & Facult. Med. Parisiensis, Typographi.